

Guangjisi Minzcu Bau

ganhhau: CN45-0036 B.2017 Nd.3 Ng.15 liggaeuq dingyoux nienz ndwenngaih cibbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3265期

Vanzgyangh “Seiq Aen Gyagiengz” Doicaenh Hwnjguh Vwnzva Lajmbanj Siujsoq Minzcu

环江“四个加强”推进少数民族农村文化建设

Gaenh bi neix daeuj, Vanzgyangh Mauznanzcuz Swciyen mboujduenh gyagiengz hwnjguh vwnzva lajmbanj siujsoq minzcu, gaenxmaenx ciengq-yiengj yaem'wenq vwnzva lajmbanj, daezsang gohyoz vwnzva suciz gyoengq bouxguhnaz daengx yienh, hawj vwnzva lajmbanj siujsoq minzcu ndaej onjdingh haemq vaiq hwnghat.

It dwg gyagiengz hwnjguh aen doih vwnzva lajmbanj siujsoq minzcu. Aen yienh neix yawjnaek doiq cangh-heiq ndawbiengz, vwnzcaiz vwnzva lajmbanj siujsoq minzcu guh diucuz, daenggeiq roengzbouh, hwnjguh aen cang saenqsik vwnzcaiz vwnzva siujsoq minzcu lajmbanj daengx yienh.

Ngeih dwg cietsaed gyagiengz hong vatcimh, baujhoh caeuq swnj-cienz vwnzva lizsij maenhndei ce roengzdaeuq haenx. Gaenh bi neix

daeuj, minzcunghgiz aen yienh neix cujiz mizgven vunz, gonqlaeng soucomz fwen ndawbiengz Mauznanzcuz 30 lai hot, caemhcaiq doiq swliu fwen daengx yienh guh bujcaz, damqra, daenggeiq daengj, lij guh cekgej swz go, ingj siengq canghfwen guh dangjan, soucomz cingileix 《Fwen Coux Hek》《Fwen Soengq Hek》《Liuj Langzle》 daengj fwen Mauznanzcuz. Doengzseiz youq Yivanz Cunh Yananz Yangh aen yienh neix coih aen diengz baujhoh sigbei anhdangz Mbanjneiluz, cungfaen baujhoh vwnzva lizsij ce roengzdaeuq haenx, swnjcienz vwnzmingz conzdungj siujsoq minzcu maenhndei.

Sam dwg gyagiengz haiguh gij vwnzva hozdung vunzlai haengj dingq gyaenz yawj, lai cungj lai yiengh haenx. Gaenh bi neix daeuj, aen yienh neix leihyungh seizhoengq, seiz ngoenzciet

conzdungj minzcu, cujiz yienjheiq, doxdax ruzlungz, doxdax dinfwngz guh hong caeuq conzdungj minzcu dijuz doxdax daengj hozdung, au 《Fwen Gingqlaeuj》 Mauznanzcuz yungh daengz cietfaenlungz Mauznanz, baenzgya bae haq daengj dieg bae.

Seiq dwg gyagiengz hwnjguh dieg vwnzva lajmbanj siujsoq minzcu. Guh'ak vwnzva giekdaej sezsih hwnjguh, haenqrengz doicaenh “bouxguhnaz lien ndang ak ndang miz leih dungxcaiz gunghcwnz”, guh baenz gunghgung vwnzva fugsah dijhi. Aen yienh neix doenggyaq hwnjguh “ranz saw nungzgya” caeuq vwnzva hozdungsiz ndaw mbanj, gizdieg youq-ndwi ndaw mbanj daengj, hawj vunzlai siujsoq minzcu daengx bi ndaej camgya vwnzdij hozdung.

(Danz Su'myauz/谭素苗)



Sanhgyangh: Doxdax Golaux Dungcu Yienj Fungeingz

三江: 侗歌打擂展风情

3 nyied 11 hauh, Sanhgyangh Dungcu Swciyen youq Dohyeh Gvangjcaengz yienhsingz banh gaih daihngaih ciet golaux Dungcu, ca mbouj lai 40 aen doih golaux Dungcu aen yienh neix caemh daiz doxdax, doxdax yienj sing go, yinx ndaej haujlai vunz daeuq yawj, vih bouxyawj yienj ciengz doxdax ndei yawj he. Ndw doz dwg bouxyienj yienjciengq golaux Dungcu.

(Gungh Bujganh/龚普康)

Bingzgoj Yen Fung'vuz Cin Makcauj Heu Ndaej Fungsou

平果县凤梧镇大青枣喜获丰收

Vih cienzmienh gvancez gij baijbouh vut gungz gunggeng canloz, Bingzgoj Yen Fung'vuz Cin giethab saedsaeh, youq bi 2016 yinxhaeuq Guengjsae Lenzsiengz Nungzyez Douzsw Youjhan Cwzyin Gunghsw youq Sanglinz Cunh caeuq Vaizdaz Cunh co dieg 500 moux ndaem makcauj heu.

Mboengqneix, ndaw suenmak miz haujlai vunz sou mak, lauxbanj ngoenznaengz cingj 20 lai boux gunghyinz daeuq ndaw suenmak sou mak. Gyoengq gunghyinz miz mbanj mbaetsou, miz mbanj dawz mak daeh bae dieg gvangq henz suen doxcomz dongcuengq, bang gunghyinz caez humx youq, leh mak faen gaep cangdaeh, gvaq caengh hwnj ci, ndaw

suenmak nyaengqnyinyi. Ciuq lauxbanj gaisau, makcauj heu gizneix mak hung, noh na ngveih iq, yiengh gyaeu, yingzyangj lai. Makcauj heu mbouj nit mbouj ndat, miz gij gunghyau liengz, gajdoeg, hawj simdingh daengj, daegbied hab lwgnyez, bouxlaux gwn. Ndaem makcauj heu gig miz diuz roen baihnaj ndei, dajndaem yungyiemi haemq iq, ndaem roengz bi ndeu couh ndaej sou mak, caemhcaiq seiz sou youq ndwencieng gonqlaeng, dwg cungj doxgaiq gwn saekloeg singjsien he.

Ciuq cam rox, aen suenmak neix dwg bi'gvaq ndwen 4 ndawnyieb hainduj ndaem, aenvih ndaem ndaej miz di laeng, ganj mbouj ndaej

ndwencieng doekgonq sou gai, seiz-neix gyaq gaibued ngamq dwg moix gaen 1.3 maenz ngaenz. Daj ndwen gonq hainduj makcauj heu laebdaeb baenz gai, ngoenznaengz cungj miz lauxbanj daeuq daengz dieg soucawx, daeh daengz Guengjdoeng, Gveicouh daengj dieg. Daengz seizneix, gaeng gai ok makcauj heu 15 fanh gaen, ndaw suenmak gujsuenq lij miz 10 fanh gaen baedauq.

Ndaejdaengz Lenzsiengz Nungz-cangz yingyangj daiqdoengh, mbanj henzgyawj miz nungzhoh ndaem makcauj heu daengz 100 moux, ndaem makcauj heu yaek baenz cungj canjnieb youqgaenj Fung'vuz Cin vut gungz baenz fouq he.

(Cinz Yaujdanh/覃筱丹)

SIUSIK DINJ

简讯

● 3 nyied 12 hauh dwg ciet ndaem faex, Guengjsae Gihciz Gihgvanh Donzgungh-veij, Linzyezdingh Donzveij, Cizboh Linzcangz Donzveij daengj danhvei youq Cizboh Linzcangz lienzhab haiguh “caux bya heu raemx saw swyenz swnghdai” hozdung. 400 lai boux bouxgagnyienh bouxcoz daj gihciz(cunghciz), gi swyez 50 lai aen danhvei daengj daeuq haenx ndaem roengz faexdezduhcingh, faexhungzvahhoz, godauz daengj 2000 lai go faex loegvaq 200 lai moux dieg.

(Lungz Yingyingj)

● 3 nyied 8 hauh banhaemh, Ginhsiu Yauzcuz Swciyen Minzcunghgiz caeuq Sanhgoz Yangh Dangjveij, Cwngfuj lienzhab youq Sanhgoz Yangh Vwnzva Gvangjcaengz banh vanjvei, vanjvei cawjdaez dwg “gvansim mehmbwk guh hong, gvansim lwgnyez louz mbanj”. Vanjvei yinx ndaej 300 lai boux vunzmbanj henzgyawj mbouj doengz minzcu daeuq yawjgonz.

(Vanz Siubingz)

● Gaenh bi neix daeuj, Cingsih Si Nanzboh Yangh genhciz yungh gij guhhong lohnaemj “hopheux hwnghat gaem danggen, gaem ndei danggen coi vut gungz”, cauxmoq vunqsik vut gungz, doed ok gaem ndei “nding, henj, loeg” daegsaek binjbaiz hwnjguh, yungh danggen doengjlingx daengx yangh ginghci ndawbiengz hwnghat, vih vut gungz gunggeng dwkroengz giekdaej baujcaeng renzgrwd.

(Linz Ligwz Hij Cungh-liuz)

● Bi 2017 doxdaeuq, Ningzmingz Yen yungh gij vunqsik bangfuz canjnieb “giyez gyaeuylungz + gihdi + hozcozse + nungzhoh”, haenq-rengz hwnghat ciengx vaiznoh swnghdai, ceng'au bineix ciengx vaiznoh daengz 6.05 fanh duz, daengz bi 2020 ciengx 9.72 duz doxhwnj, hawj ciengx vaiznoh swnghdai baenz cungj canjnieb youqgaenj daengx yienh vut gungz baenz fouq he.

(Couh Yizganh Vangz Fungcinh)